



Sud Bosne i Hercegovine

Суд Босне и Херцеговине

Broj: Su-08-51/15

Datum: 13.05.2015.godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05) na preporuku Stalne komisije za javne nabavke Suda BiH broj: Su-08-47/15 od 08.05.2015. godine u postupku javne nabavke higijenskog potrošnog materijala - 39800000-0, donosim

ODLUKU

o izboru najpovoljnijeg ponuđača za nabavku higijenskog potrošnog materijala

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-10-43/15 od 05.02.2015. godine i Ugovor za javnu nabavku higijenskog potrošnog materijala - oznaka i naziv iz JRJN: 39800000-0 (proizvodi za čišćenje i poliranje), dodjeljuje se ponuđaču „Keckom" d.o.o. Banja Luka, sa sjedištem na adresi Ravnogorska 24, a ponuda ovog ponuđača broj: 120-05/2015 od 28.04.2015 godine, za ponuđenu cijenu od **10.339,80 KM** bez PDV-a, kao najbolje ocijenjena ponuda.

član 2.

Ugovor o nabavci dostaviti će se na potpis izabranom ponuđaču "Keckom" d.o.o. po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke higijenskog potrošnog materijala broj: Su-08-29/15 od 07.04.2015. godine. Javna nabavka je provedena putem konkurentskog zahtjeva za dostavu ponuda broj: Su-08-35/15, a procijenjena vrijednost javne nabavke bez PDV-a je 12.000,00KM. Obavještenje o nabavci objavljeno je na portalu javnih nabavki pod brojem 243-7-1-81-3-1/15 od 17.04.2015. godine. Zahtjev za dostavu ponuda prosljeđen je na adrese tri ponuđača („R&S“ d.o.o., „Exclusive“ d.o.o. i „Primaprom“ d.o.o.) istovremeno sa slanjem obavještenja na Portal javnih nabavki dana 17.04.2015. godine. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke higijenskog potrošnog materijala. Komisija je blagovremeno i pravilno izvršila javno otvaranje ponuda dana 04.05.2015. godine i sačinila Zapisnik o otvaranju ponuda koji je prosljeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće: da su blagovremeno pristigle ukupno sedam (7) ponuda; da nije bilo neblagovremeno zaprimljenih ponuda; da ponude ponuđača „Plan Plus“ d.o.o., „Keckom“ d.o.o., R&S d.o.o., „Ecotime“ d.o.o., „Gold Mignon“ d.o.o., „Primaprom“ d.o.o. su ocijenjene prihvatljivim dok je ponuda ponuđača „Penny Plus“ d.o.o. ocijenjena neprihvatljivom jer nije ispunila uslove u skladu sa tenderskom dokumentacijom. U postupku donošenja odluke, posebno su ocijenjene činjenice da je Komisija pravilno i potpuno izvršila ocjenu kvalificiranosti ponuda, te ocjenu, poređenje i rang listu prispjelih ponuda, shodno kriteriju najniža cijena.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač „Keckom“ d.o.o. izabran primjenjujući kriterij najniže cijene koja je ponuđena u iznosu od **10.339,80 KM** bez PDV-a, dok su ostali ponuđači čije su ponude prihvatljive ponudili sljedeće cijene:

- 1.) „Plan Plus“ d.o.o ukupna cijena ponude je 11.184,04 KM bez PDV-a.
- 3.) „R&S“ d.o.o. ukupna cijena ponude je 11.361,51 KM bez PDV-a.
- 4.) „Ecotime“ d.o.o. ukupna cijena ponude je 13.210,66 KM bez PDV-a.
- 5.) „Gold Mignon“ d.o.o. ukupna cijena ponude je 11.847,00 KM bez PDV-a.
- 6.) „Primaprom“ d.o.o. ukupna cijena ponude je 11.904,30 KM bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponudač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.

